

## Қазақстан Республикасы Ұлттық қауіпсіздік комитетінің Шекара қызметі туралы

### *Күшін жойған*

Қазақстан Республикасының 1993 жылғы 13 қаңтардағы N 1874-ХІІ Заңы. Күші жойылды - Қазақстан Республикасының 2013 жылғы 16 қаңтардағы № 70-V Заңымен.

Ескерту. Күші жойылды - ҚР 2013.01.16 № 70-V (алғашқы ресми жарияланғанынан кейін күнтізбелік он күн өткен соң қолданысқа енгізіледі) Заңымен.

### МАЗМҰНЫ

Ескерту. Заңның тақырыбы өзгерді, мәтін бойынша сөздер алмастырылды - Қазақстан Республикасының 2002.07.10. N 338 Заңымен.

Осы Заң Қазақстан Республикасы Шекара қызметінің құқылық негіздерін, мақсатын, міндеттерін, ұйымдастырылу және қызмет принциптерін, құрылымын, құзыретін, сондай-ақ олардың қызметін бақылау мен қадағалау түрлерін белгілейді.

## I. Жалпы ережелер

### 1-бап. Қазақстан Республикасы Ұлттық қауіпсіздік комитетінің Шекара қызметі

1. Қазақстан Республикасы Ұлттық қауіпсіздік комитетінің Шекара қызметі (бұдан әрі - Шекара қызметі) Қазақстан Республикасының Мемлекеттік шекарасын күзету мен қорғауға, Қазақстан Республикасының егемендігіне, аумақтық тұтастығына және қол сұғылмауына қастандық жасалуының алдын алуға және жолын кесуге арналған.

2. Шекара қызметінің - туы, оның ішінде әскери-теңіз туы және Қазақстан Республикасының Қарулы Күштері пайдаланатын айырым белгілері, ал бірлестіктердің, құрылымдардың және жауынгерлік бөлімдердің белгіленген үлгідегі жауынгерлік тулары болады.

Ескерту. 1-бапқа өзгерту енгізілді - ҚР Президентінің 1995.05.19. N 2283, 2002.07.10. N 338, 2007.12.19. N 11 (ресми жарияланған күнінен бастап күнтізбелік он күн өткеннен кейін қолданысқа енгізіледі) Зандарымен.

### 2-бап. Қазақстан Республикасының Шекара қызметі туралы заңдары

1. Қазақстан Республикасының Шекара қызметі туралы заңдары Қазақстан Республикасының Конституциясына негізделеді, осы Заңнан және Қазақстан Республикасының өзге де нормативтік құқықтық актілерінен тұрады.

2. Егер Қазақстан Республикасы бекіткен халықаралық шартта осы Заңдағыдан өзгеше ережелер белгіленсе, халықаралық шарттың ережелері қолданылады.

**Ескерту. 2-бап жаңа редакцияда - Қазақстан Республикасының 2002.07.10. N 338 Заңымен.**

### **3-бап. Шекара қызметінің жұмыс қағидаттары**

Шекара қызметінің жұмысы заңдылық, ізгілік, жариялылық, азаматтардың құқықтары мен бостандықтарын сақтау, астыртын әрекет ету, дара басшылық, ұлттық қауіпсіздік органдары жүйесінің бірлігі қағидаттарына, жергілікті өкілді және атқарушы органдармен, ұйымдармен және халықпен өзара іс-қимыл жасауға негізделіп құрылады. Шекара қызметінде саяси партиялардың қызметіне тыйым салынады.

**Ескерту. 3-бап жаңа редакцияда - ҚР 2012.02.13 N 553-IV (алғашқы ресми жарияланғанынан кейін күнтізбелік он күн өткен соң қолданысқа енгізіледі) Заңымен.**

### **4-бап. Шекара қызметінің міндеттері**

Шекара қызметінің міндеттері:

Қазақстан Республикасының Мемлекеттік шекарасын, оның аумақтық тұтастығын және қол сұғылмауын, Мемлекеттік шекарадағы экономикалық мүдделерін күзету және қорғау;

Қазақстан Республикасының аумақтық сулары (теңізі) мен континенттік кайраңын күзету;

Қазақстан Республикасының Мемлекеттік шекара туралы заңдарының сақталуын және Қазақстан Республикасының Мемлекеттік шекара тәртібі мәселелері жөніндегі халықаралық шарттарынан туындайтын міндеттемелердің орындалуын қамтамасыз ету;

Қазақстан Республикасының Мемлекеттік шекарадағы қорғанысы мен қауіпсіздігі міндеттерін шешуге қатысу;

шекара өңірінде азаматтарды, табиғи байлықтарды және айналадағы ортаны қорғауда Қазақстан Республикасының құқық қорғау, табиғат қорғау органдарына жәрдемдесу.

Мыналарды:

егер Қазақстан Республикасы ратификациялаған халықаралық шарттарда өзгеше көзделмесе;

Шекара қызметін қамтамасыз ететін жекелеген күштер мен құралдар Шекара қызметі Директорының шешімі бойынша табиғи және техногендік сипаттағы төтенше жағдайлардың зардаптарын жою үшін тартылуы мүмкін болған жағдайларды қоспағанда, Шекара қызметін басқа мақсатта пайдалануға тыйым салынады.

Ескерту. 4-бапқа өзгерту енгізілді - Қазақстан Республикасының 2002.07.10. N 338, 2007.12.19. N 11 (ресми жарияланған күнінен бастап күнтізбелік он күн өткеннен кейін қолданысқа енгізіледі) Заңдарымен.

### **5-бап. Шекара қызметін басқару, қаржы және материалдық-техникалық жағынан қамтамасыз ету**

1. Шекара қызметіне тікелей басшылықты және оны басқаруды Қазақстан Республикасының заңдарына сәйкес Қазақстан Республикасының Президенті қызметке тағайындайтын және қызметтен босататын Шекара қызметінің Директоры жүзеге асырады. Шекара қызметінің Директоры Қазақстан Республикасы Ұлттық қауіпсіздік комитеті Төрағасының орынбасары болып табылады.

2. Шекара қызметінің құрылымы мыналардан тұрады: Қазақстан Республикасының заңнамасында көзделген тәртіппен құрылатын Шекара қызметінің Орталық аппараты, арнаулы бірлестіктер, құрамалар, авиациялық, теңіз, арнаулы және басқа да бөлімдер.

3. Шекара қызметі штат санының лимитін Қазақстан Республикасының Президенті белгілейді.

4. Шекара қызметінің жұмысын қаржыландыру мен материалдық-техникалық қамтамасыз ету Қазақстан Республикасының Ұлттық қауіпсіздік органдарын қамтуға көзделген бюджет қаражаты шегінде жүзеге асырылады.

Ескерту. 5-бап жаңа редакцияда - ҚР 2002.07.10 N 338 Заңымен, өзгеріс енгізілді - ҚР 2004.12.20 N 13 (2005.01.01 бастап күшіне енеді), 2012.02.13 N 553-IV (алғашқы ресми жарияланғанынан кейін күнтізбелік он күн өткен соң қолданысқа енгізіледі) Заңдарымен.

### **5-1-бап. Шекара қызметінің мекемелері**

Ескерту. 5-1-бап алып тасталды - ҚР 2012.02.13 N 553-IV (алғашқы ресми жарияланғанынан кейін күнтізбелік он күн өткен соң қолданысқа енгізіледі) Заңымен.

### **6-бап. Шекара қызметінің жұмысына басшылық ету және оны бақылау**

Қазақстан Республикасының Ұлттық қауіпсіздік комитеті Шекара қызметінің жұмысына басшылықты және бақылау жасауды жүзеге асырады.

Ескерту. 6-бап жаңа редакцияда - ҚР 2012.02.13 N 553-IV (алғашқы ресми жарияланғанынан кейін күнтізбелік он күн өткен соң қолданысқа енгізіледі) Заңымен.

## **II. Шекара қызметінің міндеттері мен құқықтары**

### **7-бап. Шекара қызметінің міндеттері**

Қазақстан Республикасының Мемлекеттік шекарасын күзете отырып, Шекара қызметі:

1) Қазақстан Республикасының Мемлекеттік шекарасының өтетін жерін заңсыз өзгертуге ұмтылу әрекеттерінің жолын кесуге;

2) Қазақстан Республикасының аумағына қарулы басып кіруге тойтарыс беруге, Қазақстан Республикасының мемлекеттік шекарасында қарулы және өзге де арандатушылықтың жолын кесуге, халықты, мемлекеттік және жеке меншікті аталған қылмыстық қол сұғушылықтардан қорғауға;

3) Қазақстан Республикасының Мемлекеттік шекарасынан өткізу пункттерінен тыс жерлерден немесе заңсыз әдістермен адамдардың және көлік құралдарының өтуінің, сондай-ақ жүктер мен тауарларды өткізудің алдын алуға және оған жол бермеуге, Қазақстан Республикасының Мемлекеттік шекарасын бұзушыларды анықтауға және ұстауға;

4) Қазақстан Республикасының Мемлекеттік шекарасы арқылы адамдарды, көлік құралдарын, жүктерді және тауарларды белгіленген тәртіппен өткізуді жүзеге асыруға;

5) Қазақстан Республикасына әкелуге немесе одан әкетуге тыйым салынған жарылғыш, уландырғыш, радиоактивті, есірткі заттарын, қаруды, оқ-дәрілерді, басқа да заттарды, сондай-ақ контрабандалық заттарды Қазақстан Республикасының Мемлекеттік шекарасы арқылы өткізудің белгіленген тәртіппен дербес немесе кеден органдарымен бірлесе отырып жолын кесуге;

6) мемлекеттік шекара режимі мәселелері бойынша Қазақстан Республикасының халықаралық шарттарынан туындайтын міндеттемелердің орындалуын қамтамасыз етуге;

7) дербес немесе ішкі істер органдарымен бірлесе отырып, шекара режимінің сақталуын бақылауға;

8) дербес немесе ішкі істер органдарымен халықаралық ұшу сапарлары үшін ашық әуежайлардың (әуе айлақтарының), шекаралық теміржол станцияларының, теңіз және өзен порттарының, халықаралық автокөлік тасымалдары қызметтерінің әкімшілігімен бірлесе отырып, Қазақстан Республикасының Мемлекеттік шекарасы арқылы өту пункттерінде белгіленген режимнің орындалуын бақылауға;

9) Қазақстан Республикасының аумақтық суларында (теңізде) және шекаралық өзендер мен өзге де су айдындарының қазақстандық бөлігіндегі ішкі суларда қазақстандық және шетелдік әскери емес кемелер мен әскери корабльдердің жүзуі мен болуының белгіленген тәртібін сақтауын бақылауды жүзеге асыруға;

10) шекаралық қызмет атқару аудандарында Қазақстан Республикасының арнайы уәкілдік берілген органдарының қоршаған ортаны қорғауға бақылау

жасау, кәсіпшілік қызмет қағидаларын сақтау жөніндегі қызметіне қажетті жәрдем көрсетуге міндетті.

**Ескерту. 7-бап жаңа редакцияда - ҚР 2012.02.13 N 553-IV (алғашқы ресми жарияланғанынан кейін күнтізбелік он күн өткен соң қолданысқа енгізіледі) Заңымен.**

## **8-бап. Шекара қызметінің құқықтары**

Шекара қызметінің:

1) шекара кеңістігі шегінде шекаралық нарядтар қоюға, қызмет міндеттерін атқару кезінде жолдармен, соқпақтармен және маршруттармен жүріп-тұруға, құжаттарды тексеруге, көлік құралдарын және оларға тиелген жүктер мен тауарларды тексеріп қарауға, көлік құралдарына ілесіп жүруге және оларға шекаралық нарядтар қоюға;

2) белгіленген тәртіппен қажетті инженерлік-техникалық құрылыстар салуға, байланыс және коммуникация желілерін салуды жүзеге асыруға, техника мен қару-жарақты орналастыруға және пайдалануға;

3) Қазақстан Республикасының қылмыстық іс жүргізу заңнамасына сәйкес заң бойынша өз қарауына жатқызылған істер бойынша тергеу жүргізуге;

4) Қазақстан Республикасының әкімшілік құқық бұзушылық туралы заңнамасына сәйкес әкімшілік ұстауды жүзеге асыруға, хаттамалар жасауға және өзінің қарауына жататын әкімшілік құқық бұзушылық туралы істер бойынша іс жүргізуге;

5) әкімшілік ұстауға алынған адамдарды осы мақсатта арнайы жабдықталған орындарда ұстауға;

6) өзінің қарауына жататын құқық бұзушылықтың мән-жайын анықтау үшін Шекара қызметінің бөлімшелеріне адамдарды шақыруға және заңмен белгіленген жағдайларда оларды сонда әкелуге құқығы бар. Қажетті жағдайларда аталған құқық бұзушылықтардың мән-жайын анықтау өзге жерлерде де жүзеге асырылуы мүмкін;

7) Шекара қызметінің құзыретіне жататын құқық бұзушылыққа қарсы күресте , оның алдын алуды жүзеге асыруға;

8) Қазақстан Республикасының Мемлекеттік шекарасын күзету мүдделері үшін жедел-іздістіру қызметін жүргізуге, шекара маңындағы аудандардың құқық қорғау органдарының, ұйымдарының дерекқорын пайдалануға;

9) Қазақстан Республикасының Мемлекеттік шекарасы арқылы өтетін адамдардың Қазақстан Республикасына келуіне немесе Қазақстан Республикасынан кетуіне құқық беретін құжаттарын тексеруге, оларға тиісті белгілер соғуға және қажет болған жағдайда оларды алып қоюға, шетелде немесе Қазақстан Республикасында болған кезінде құжаттарын жоғалтып алған Қазақстан Республикасының азаматтары мен басқа да адамдарды олардың кім

екені анықталғанға дейін өткізбей, режим аймағында немесе осы мақсаттар үшін арнайы жабдықталған орындарда қалдыруға;

10) Қазақстан Республикасының Мемлекеттік шекарасы арқылы өтіп бара жатқан адамдардың көлік құралдарын, жүктері мен тауарларын белгіленген тәртіппен дербес немесе кеден органдарымен бірлесе отырып қарап тексеруді жүзеге асыруға;

11) Қазақстан Республикасының Мемлекеттік шекарасы арқылы алып өтетін, Қазақстан Республикасынан әкетуге немесе әкелуге тыйым салынған заттарды, сондай-ақ контрабанда бұйымдарын белгіленген тәртіппен алып қоюға;

12) көлік құралдарының Қазақстан Республикасының Мемлекеттік шекарасы арқылы өту пункттерінде тоқтау (аялдау) орны мен аялдау ұзақтығын мүдделі ұйымдармен бірлесе отырып анықтауға;

13) Қазақстан Республикасының аумақтық және ішкі суларында жүзу кезінде немесе кемелер Қазақстан порттарында тұрған кезде құқық бұзушылықтарға жол берген шетелдік әскери емес кемелер экипаждары мүшелерінің және онда болған басқа да адамдардың жағаға шығуына және жағада болуына тыйым салуға;

14) Қазақстан Республикасының мүдделеріне қатер төнген жағдайда, шекаралық белдеуде азаматтардың болуын, көліктің жүрісін және жұмыстар жүргізуді уақытша шектеуге, бұған қорғаныстық маңызы бар жұмыстар, халықаралық міндеттемелерді орындау мен табиғи және техногендік сипаттағы төтенше жағдайлардан туындаған зардаптарды жоюға байланысты жұмыстар қосылмайды;

15) Қазақстан Республикасының Мемлекеттік шекарасын бұзушылардың ізіне түскен кезде кез келген жер учаскелерімен және акваториялармен жүруге, ұйымдардың үй-жайларына және азаматтардың тұрғын (тұрғын емес) үй-жайларына кіруге;

16) байланыс құралдарын қызмет мақсатында пайдалануға, ал Қазақстан Республикасының аумағына басып кіруге тойтарыс беру кезінде, Қазақстан Республикасының Мемлекеттік шекарасындағы арандату әрекеттерінің жолын кесу кезінде ұйымдардың, ал қажет болған жағдайда шығындарды кейіннен өтей отырып, азаматтардың келісімімен олардың көлік құралдарын пайдалануға;

17) заңдарда көзделген тәртіппен және жағдайларда қаруды, ұрыс техникасын, арнаулы құралдар мен қызметтік жануарларды пайдалануға;

18) шекара аудандарының елді мекендерінде және Қазақстан Республикасының Мемлекеттік шекарасы арқылы өткізу пункттерінде Қазақстан Республикасының Мемлекеттік шекарасын күзетуге қатысу үшін жергілікті тұрғындардан ерікті құралымдар құруға;

19) Қазақстан Республикасының Үкіметі белгілеген тәртіппен, Шекара қызметінің құрамалары мен бөлімдерінің қызметтік-жауынгерлік қызметін қамтамасыз ету мақсатында арнаулы техника сатып алуға;

20) шектес мемлекеттердің шекара өкілдерімен мемлекеттік шекара режимін сақтап тұру, шекарадағы жанжалдарды реттеу, ақпарат алмасу мәселелері бойынша хат алысуды жүргізуге;

21) Қазақстан Республикасының заңнамасында белгіленген тәртіппен шекара мәселелері бойынша келіссөздер жүргізу үшін өзара уағдаластық бойынша шектес мемлекеттердің өкілдерін Қазақстан Республикасының аумағына шақыруға және шектес мемлекеттердің аумағына өтуге;

22) мемлекеттік органдар мен заңды тұлғаларға, сондай-ақ өзге де ұйымдарға Қазақстан Республикасының Мемлекеттік шекарасына қатысты құқық бұзушылықтар жасауға ықпал ететін себептер мен жағдайларды жою туралы ұсыныстар енгізуге;

23) ақпараттық дерекқор құруға;

24) өтеусіз негізде Қазақстан Республикасының мемлекеттік органдарымен және ратификацияланған халықаралық шарттарда көзделген тәртіппен басқа мемлекеттердің мемлекеттік органдарымен ақпарат алмасуды жүзеге асыруға;

25) Қазақстан Республикасының заңнамасына, халықаралық шарттарға, сондай-ақ халықаралық құқықтың жалпы жұрт таныған қағидаттары мен нормаларына сәйкес Қазақстан Республикасының Мемлекеттік шекарасын күзету бойынша басқа да іс-қимылдарды жүзеге асыруға құқығы бар.

Бұдан басқа, аумақтық сулар (теңіз) мен ішкі суларда, шекаралық өзендер мен өзге де су айдындары суларының қазақстандық бөлігінде әскери емес кемелерге қатысты Шекара қызметінің:

1) егер кеме сұрау салу дабылдарына жауап бермесе, Қазақстан Республикасының Үкіметі айқындайтын шарттарда және тәртіппен жүзуге тыйым салынған ауданда жүрсе, Қазақстан Республикасының суларына кіру, оларда жүзу және болу тәртібін бұзса, осы кемеңі тоқтатуға және оны қарап-тексеруге құқығы бар. Кемеңі қарап тексеру кемеңі және жүзу құжаттарын, экипаж мүшелері мен жолаушылардың құжаттарын, жүк құжаттарын, ал қажет болған жағдайларда кемеңі ішін тексеруді қамтиды. Кемеңі қарап-тексеру нәтижелері бойынша оған белгіленген қағидаларды сақтай отырып, Қазақстан Республикасының суларында жүзуді (болуды) жалғастыруға рұқсат берілуі немесе Қазақстан Республикасының суларынан кету ұсынылуы мүмкін немесе ол қылмыстық іс жүргізу немесе әкімшілік заңнамаға сәйкес ұсталуы мүмкін;

2) Қазақстан Республикасының заңнамасы бойынша қылмыстық немесе әкімшілік жауапқа тартылуға тиісті адамдарды ұстауға, егер Қазақстан

Республикасының халықаралық шарттарында өзгеше көзделмесе, бұл адамдарды анықтау және тергеу органдарына немесе тиісті органдарға беруге;

3) егер ізге түсу кеменің дабылды көруіне немесе естуіне мүмкіндік беретін қашықтықтан көру немесе дыбыс дабылы берілгеннен кейін Қазақстан Республикасының шекаралық суларында басталып, үздіксіз жүргізілген болса, Қазақстан Республикасының шекаралық суларында жүзу (болу) заңдарын немесе қағидаларын бұзған кемені, ол кеме өз елінің немесе үшінші бір мемлекеттің аумақтық суларына кіргенге дейін ізіне түсуге және ұстауға;

4) егер ту көтерілмесе, кемеге өз туын көрсету жөнінде ұсыныс жасауға;

5) егер кеме жүзуге тыйым салынған ауданға жүзіп бара жатса немесе басқа да жүзу режимін бұзушылықтарға әкеп соқтыруы мүмкін болса, кемеге бағытын өзгерту жөнінде ұсыныс жасауға құқығы бар.

**Ескерту. 8-бап жаңа редакцияда - ҚР 2012.02.13 N 553-IV (алғашқы ресми жарияланғанынан кейін күнтізбелік он күн өткен соң қолданысқа енгізіледі) Заңымен.**

### **III. ШЕКАРА ҚЫЗМЕТІНІҢ КАДРЛАРЫ ЖӘНЕ ШЕКАРА ҚЫЗМЕТІНДЕ ӘСКЕРИ ҚЫЗМЕТ ӨТКЕРУ ЕРЕКШЕЛІКТЕРІ**

**Ескерту. 3-тараудың тақырыбы жаңа редакцияда - ҚР 2012.02.13 N 553-IV (алғашқы ресми жарияланғанынан кейін күнтізбелік он күн өткен соң қолданысқа енгізіледі) Заңымен.**

**Ескерту. 3-тарау жаңа редакцияда - ҚР2007.12.19. N 11 (қолданысқа енгізілу тәртібін 2-баптан қараңыз) Заңымен.**

#### **9-бап. Шекара қызметінің кадрлары және Шекара қызметінде әскери қызмет өткеру ерекшеліктері**

Шекара қызметінің кадрлары әскери қызметшілерден және қызметкерлерден тұрады.

Шекара қызметінде әскери қызмет өткеру заңдарда және Қазақстан Республикасы Президентінің актілерінде айқындалатын тәртіппен жүзеге асырылады.

Шекара қызметі әскери қызметшілерінің Қазақстан Республикасының Қарулы Күштеріне арналған бірыңғай әскери атақтары мен айырым белгілері болады. Шекара қызметі әскери қызметшілерінің әскери киім нысаны мен айырым белгілерін Қазақстан Республикасының Президенті бекітеді, олармен жабдықтау нормаларын Қазақстан Республикасының Үкіметі айқындайды.

Шекара қызметінің офицерлері – белгіленген үлгідегі куәліктермен, солдаттар (матростар) мен сержанттар (старшиналар) әскери билеттермен қамтамасыз етіледі.



Шекара қызметі шақыру бойынша әскери міндеттілік негізінде және Қазақстан Республикасының заңнамасында белгіленген тәртіппен әскери қызметке ерікті түрде (келісімшарт бойынша) тұру жолымен әскери қызметшілерден жасақталады.

Шекара қызметі үшін кадрлар мен мамандарды даярлау, қайта даярлау және олардың біліктілігін арттыру Қазақстан Республикасының жоғары, орта кәсіптік, әскери және арнайы оқу орындарында, оқу жасақтарында, орталықтарында (мектептерінде), сондай-ақ келісімдер (шарттар) бойынша шет мемлекеттерде жүзеге асырылады.

Шекара нарядтарында Қазақстан Республикасының Мемлекеттік шекарасын күзету және қорғау жөніндегі қызметті атқару жауынгерлік кезекшілік (жауынгерлік қызмет) болып табылады.

Шекара қызметінің әскери қызметшілері қызметтік міндеттерін атқарған кезде билік өкілдері болып табылады және мемлекеттің қорғауында болады.

Заңмен уәкілеттік берілген лауазымды адамдардан басқа ешкімнің де Шекара қызметінің қызметтік әрекетіне араласуға құқығы жоқ.

**Ескерту. 9-бап жаңа редакцияда - ҚР 2012.02.13 N 553-IV (алғашқы ресми жарияланғанынан кейін күнтізбелік он күн өткен соң қолданысқа енгізіледі) Заңымен.**

#### **10-бап. Шекара қызметінің қызметкерлері**

Шекара қызметіндегі қызметкерлердің еңбек қатынастары Қазақстан Республикасының еңбек заңнамасымен реттеледі.

**Ескерту. 10-бап жаңа редакцияда - ҚР 2012.02.13 N 553-IV (алғашқы ресми жарияланғанынан кейін күнтізбелік он күн өткен соң қолданысқа енгізіледі) Заңымен.**

### **IV. ШЕКАРА ҚЫЗМЕТІ ӘСКЕРИ ҚЫЗМЕТШІЛЕРІНІҢ ҚҰҚЫҚТЫҚ ЖАҒДАЙЫ, ӘЛЕУМЕТТІК ҚОРҒАЛУЫ ЖӘНЕ ЖАУАПТЫЛЫҒЫ**

**Ескерту. 4-тараудың тақырыбы жаңа редакцияда - ҚР 2012.02.13 N 553-IV (алғашқы ресми жарияланғанынан кейін күнтізбелік он күн өткен соң қолданысқа енгізіледі) Заңымен.**

#### **11-бап. Шекара қызметі әскери қызметшілерінің құқылық жағдайы және әлеуметтік қорғалуы**

Шекара қызметі әскери қызметшілерінің құқылық жағдайы және әлеуметтік қорғалуы Қазақстан Республикасының заңдарына сәйкес анықталады.

**Ескерту. 11-бапқа өзгерту енгізілді - ҚР Президентінің 1995.05.19. N 2283 жарлығымен, 2002.07.10. N 338 Заңымен.**

#### **12-бап. Шекара қызметі әскери қызметшілерінің жауаптылығы**

Шекара қызметінің әскери қызметшілері құқыққа қарсы әрекеттері үшін Қазақстан Республикасының заңдарына сәйкес жауаптылықта болады.

Ескерту. 12-бап жаңа редакцияда - ҚР 2012.02.13 N 553-IV (алғашқы ресми жарияланғанынан кейін күнтізбелік он күн өткен соң қолданысқа енгізіледі)

Заңымен.

Қ а з а қ с т а н  
Президенті

Р е с п у б л и к а с ы н ы ң

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК